

Xeev Cov Ntsiab Qauv Kawm

KEV KAWM LUS ASKIV

Qib

1

Qhov kev pab koj txhawb koj tus me nyuam txoj kev kawm

Hauv qib ib, koj tus me nyuam yuav npaj kawm cov kev nyeem ntawv, kev sau ntawv, kev hais lus, thiab kev mloog lwm tus hais. Cov me nyuam kawm nawv yuav kawm cov tsiaj ntawv thiab cov suab uas ua tau lo lus ntxiv mus. Lawv yuav los xav, los tham, thiab los sau txog tej yam lawv nyeem nyob hauv cov dab neeg, zaj lus sau, thiab lwm yam ntaub ntawv. Nyob hauv lawv qhov kev sau ntawv, cov me nyuam kawm ntawv yuav muab cov kab lus tso ua ke kom meej nyob rau ntau nqe lus uas yog siv tej lo lus tshiab. Tej yam yuav ua hauv cov kev kawm no yog xws li:

- Nyeem tej zaj dab neeg thiab nthuav qhia tias lawv nkag siab tshooj lus kawm los yog kev ua raug ua txhaum ntawm zaj dab neeg
- Nug thiab teb cov lus nug hais txog zaj dab neeg, xws li cov neeg hauv zaj lus, cov chaw, thiab cov txheej xwm tseem ceeb
- Piv qhov sib thooj thiab qhov sib txawv ntawm cov neeg hauv zaj lus
- Txheeb tej txheej lus tsim nyog uas tus sau muab los txhawb nqe lus hais
- Piav qhov sib txawv ntawm cov ntawv nyeem qhia cov dab neeg thiab cov ntawv nyeem muab cov ntsiab lus
- Kawm thiab siv tej lo lus tshiab
- Koom rau chav kawm cov kev sib tham nthuav tswv yim
- Piav cov neeg, cov chaw, cov khoom, thiab cov txheej xwm, nthuav qhia cov kev xam pom thiab cov tswv yim meej heev
- Koom tes nrog lwm tus nrhiav cov ntsiab thiab cov ntsiab lus hais txog nqe lus
- Sau lus piav qhov txheej xwm, muab cov ntsiab lus hais txog nqe lus, los yog sib qhia lub tswv yim
- Kawm txog cov kev cai hais thiab sau lus Askiv

Hauv qib ib, cov me nyuam kawm ntawv yuav nyeem cov dab neeg thiab cov paj huam. Tsis tas li ntawd, lawv yuav nyeem los kawm cov ntsiab lus hais txog keeb kwm, lub ntiaj teb, txuj ci (science) thiab lwm yam. Ntawm no yog ob peb qhov piv txwv ntawm qhov koj tus me nyuam yuav npaj xyau cov kev nyeem ntawv tseem ceeb nyob rau qib duas kawm.

Kev Nyeem Ntaub Ntawv

Qib Xyaum Kawm Kev Nyeem Ntawv	Qib Ib Kev Nyeem Ntawv	Qib Ob Kev Nyeem Ntawv
Tau kev pab los ntawm tus xib fwb, cov me nyuam kawm ntawv rov qhia dua cov dab neeg, xws li txhua yam tseem ceeb.	Cov me nyuam kawm ntawv rov qhia dua cov dab neeg, xws li txhua yam tseem ceeb, thiab qhia tau tias lawv nkag siab tshooj lus kawm los yog kev ua raug ua txhaum ntawm zaj dab neeg.	Cov me nyuam kawm ntawv rov qhia dua cov dab neeg thiab txiav txim xyuas lawv lub ntsiab lus tseem ceeb, tshooj lus kawm, los yog kev ua raug ua txhaum.
Tau kev pab los ntawm tus xib fwb, cov me nyuam kawm ntawv teev tus sau thiab tus nrag duab nthuav qhia zaj dab neeg thiab piav lub luag hauj lwm ntawm txhua tus los qhia zaj dab neeg.	Cov me nyuam kawm ntawv txheeb seb tus neeg twg qhia zaj dab neeg nyob rau ncuva twg hauv phau ntawv nyeem.	Cov me nyuam kawm ntawv paub qhov sib txawv hauv tej kev xam pom ntawm cov neeg hauv zaj lus, xws li kev hais lub suab sib txawv rau txhua tus neeg hauv zaj lus thaum nyeem zaj lus sib tham nrov nrov.

Kev Nyeem Kom Paub Cov Ntsiab Lus

Qib Xyaum Kawm Kev Nyeem Ntawv	Qib Ib Kev Nyeem Ntawv	Qib Ob Kev Nyeem Ntawv
Tau kev pab los ntawm tus xib fwb, cov me nyuam kawm ntawv nug thiab teb cov lus nug hais txog txhua yam tseem ceeb hauv phau ntawv nyeem.	Cov me nyuam kawm ntawv nug thiab teb cov lus nug hais txog txhua yam tseem ceeb hauv phau ntawv nyeem.	Cov me nyuam kawm ntawv nug thiab teb cov lus nug xws li <i>who, what, where, when, why</i> , thiab <i>how</i> los nthuav qhia qhov kev nkag siab ntawm txhua yam tseem ceeb hauv phau ntawv nyeem.
Tau kev pab los ntawm tus xib fwb, cov me nyuam kawm ntawv txheeb tej yam daim duab qhia txog tus neeg, qhov chaw, yam khoom, los yog lub tswv yim.	Cov me nyuam kawm ntawv siv cov kev nrag duab nthuav qhia thiab txhua yam hauv phau ntawv nyeem los piav cov tswv yim tseem ceeb.	Cov me nyuam kawm ntawv piav qhov cov duab los yog cov kev nrag duab nthuav qhia tseem ceeb (xws li qhov lub tshuab ua hauj lwm).

Kev Sau Ntawv

Cov kev sau ntawv hauv qib ib yuav muaj xws li cov dab neeg, daim ntawv sau, daim ntawv sau cej luam, thiab daim ntawv sau haub. Nov yog ob peb qhov piv txwv ntawm qhov koj tus me nyuam yuav npaj cov kev xyaum sau ntawv tseem ceeb nyob rau txhua qib duas kawm.

Qib Xyaum Kawm Kev Sau Ntawv	Qib Ib Kev Sau Ntawv	Qib Ob Kev Sau Ntawv
Siv qhov kev sib txuam ntawm kev nrag duab, kev hais rau sau, thiab kev sau ntawv, cov me nyuam kawm ntawv teev tej yam lawv sau txog thiab muab qee yam ntsiab lus hais txog nqe lus.	Cov me nyuam kawm ntawv teev nqe lus thiab muab qee yam ntsiab lus hais txog nqe lus.	Cov me nyuam kawm ntawv taw qhia nqe lus, thiab siv cov ntsiab lus thiab cov ntsiab lus txhais los npaj cov lus sau.
	Cov me nyuam kawm ntawv muab qee yam hais txog nqe lus xaus.	Cov me nyuam kawm ntawv muab ib nqe lus los yog ib tshooj lus xaus.

Pab Koj Tus Me Nyuam Kawm Thaum Nyob Sab Nrauv Ntawm Lub Tsev Kawm Ntawv

1. Muab sij hawm thiab ib qho chaw rau koj tus me nyuam los nyeem ntawv ywj siab.
2. Nug koj tus me nyuam seb nws nyiam cov nqe lus, cov txheej xwm, los yog cov kev kawm zoo li cas. Ces mus nrhiav tej phau ntawv nyeem, tej phau ntawv xov xwm (magazines), los yog lwm yam ntaub ntawv hais txog cov nqe lus uas yuav ua rau koj tus me nyuam kub siab los nyeem.
3. Nws tseem ceeb heev thaum koj tus me nyuam pom lwm tus neeg nyeem ntawv tom tsev. Koj muaj cuab kav yuav qhia tej yam koj tau nyeem rau nws.
4. Ua ib qho tsev neeg koom nyeem ntawv ua ke (a family book club). Cia cov neeg tsev ib leeg mus xaiv phau ntawv ib zaug. Qhov no yuav yog ib txoj kev zoo los muab kev txaus siab rau tsev neeg lub sij hawm thaum los koom nyeem ntawv ua ke!
5. Pab koj tus me nyuam mus ua ib daim pib qiv ntawv (library card) tom tsev saib ntawv. Ntau lub tsev saib ntawv muaj cov koom nyeem ntawv ua ke (book clubs) thiab tej yam rau tsev neeg (family activities) uas ua rau kev nyeem ntawv lom zem.
6. Siv cov websites los nyeem tej phau ntawv los yog tej zaj lus sau nyob online. Cov tsev saib ntawv kuj muaj computers uas cov me nyuam kawm ntawv muaj cuab kav yuav siv tau.

Koom Tes Nrog Koj Tus Me Nyuam Tus Xib Fwb

Muab lus nug rau koj tus me nyuam tus xib fwb, xws li:

- Kuv tus me nyuam puas nyeem tau nyob rau qib duas kawm?
- Kuv tus me nyuam ua tau zoo li cas nyob hauv kev sau ntawv?
- Kuv tus me nyuam qhov ua tau zoo thiab qhov ua tsis tau yog dab tsi?
- Kuv muaj cuab kav yuav ua li cas tom tsev los xyuas mee kom kuv tus me nyuam kawm tau?

Yog xav paub ntxiv txog Xeev Cov Ntsiab Qauv Kawm Lus Askiv mus rau hauv <http://www.corestandards.org/ELA-Literacy> los yog <http://www.commoncoreworks.org>.

Adapted from Parent Roadmaps to the Common Core State Standards, Council of Great City Schools, www.cgcs.org